



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 7. Pravilnika o kriterijima i načinu sufinansiranja projekata javnih ustanova primarne zdravstvene zaštite broj: 09/B-11-2747/26 od 09.07.2026. godine, tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24) člana 18. Odluke o izvršavanju Budžeta Općine Centar Sarajevo ("Službene novine Kantona Sarajevo" broj 52/25) Odluke o izmjenama i dopunama odluke o izvršavanju Budžeta Općine Centar Sarajevo za 2026. godinu broj:01-11-4181/26 od 02.07.2026.godine i Odluke o pokretanju postupka raspisivanja i provođenja javnog poziva, Općinski načelnik objavljuje

JAVNI POZIV
za dodjelu novčanih sredstava za sufinansiranje /finansiranje projekata javnih
ustanova primarne zdravstvene zaštite iz Budžeta Općine Centar Sarajevo u
2026.godini

1. PREDMET JAVNOG POZIVA

Predmet ovog Javnog poziva je dodjela novčanih sredstava za podršku projektima javnih ustanova primarne zdravstvene zaštite sa sjedištem na području općine Centar Sarajevo, u svrhu kapitalnih ulaganja.

2. CILJ JAVNOG POZIVA

Cilj sufinansiranja /finansiranja je unapređenje kvaliteta zdravstvenih usluga, povećanje dostupnosti primarne zdravstvene zaštite, modernizacija opreme i infrastrukture kako bi se osigurali kvalitetniji uvjeti za pružanje usluga primarne zdravstvene zaštite za građane Općine Centar Sarajevo.

3. FINANSIJSKA SREDSTVA

Sredstva za dodjelu novčane pomoći planirana su u Budžetu Općine Centar Sarajevo za 2026. godinu na poziciji 615121-39 kapitalni transferi za zdravstvo zdravstvene ustanove primarne zdravstvene zaštite sa sjedištem na području Općine Centar Sarajevo u ukupnom iznosu od 30.000,00 KM, a raspoređivat će se u skladu sa Odlukom Općinskog načelnika nakon provedenog Javnog poziva.

Ovisno o broju projekata koji se budu kvalificirali za dodjelu pojedini projekti će moći biti podržani u minimalnom iznosu od 3.000,00 KM i maksimalnom iznosu do 10.000,00 KM.

Općina Centar Sarajevo zadržava pravo da ne dodijeli sva raspoloživa budžetska sredstva u slučaju da projektni prijedlozi ne zadovoljavaju zadate kriterije.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

Ukoliko se utvrdi da sredstva predstavljaju državnu pomoć u smislu propisa o državnoj pomoći, ista će se dodijeliti u skladu sa relevantnim propisima, uključujući pravila o de minimis pomoći.

4. PRAVO UČEŠĆA

Pravo učešća na javni poziv imaju Javne ustanove primarne zdravstvene zaštite sa sjedištem na području općine Centar Sarajevo .

5.NAMJENA SREDSTAVA

Sufinansiranje/finansiranje se može odobriti isključivo za kapitalna ulaganja – projekte koji se odnose na:

- a) rekonstrukciju i adaptaciju objekta;
- b) nabavka medicinske i nemedicinske opreme ;
- c) digitalizaciju zdravstvenih usluga;

6.POTREBNA DOKUMENTCIJA

Prijava mora sadržavati :

1. Rješenje/uvjerenje o registraciji ustanove (ili izvod iz registra);
2. Investicioni projekat;
3. Predmjer i predračun radova ili opreme;
4. Dokaz o vlasništvu ili pravu korištenja objekta, ukoliko se radi o projektu rekonstrukcije i adaptacije objekta ;
5. Kompletnu tehničku i finansijsku dokumentaciju potrebnu za ocjenjivanje projekata;
6. Ovjerenu izjavu datu pod punom moralnom materijalnom i krivičnom odgovornošću da je ustanova opravdala sredstva koja su od strane Općine Centar Sarajevo dodijeljena u prethodnim budžetskim godinama;
7. Ovjerenu fotokopiju uvjerenja o poreznoj registraciji (ID broj) ;
8. Transakcijski račun.

NAPOMENA: Dokumentacija se predaje u originalu ili ovjerenoj kopiji ne starija od 3 mjeseca.

Dokaz da su opravdana budžetska sredstva ukoliko su ista dodijeljena od strane Općine Centar Sarajevo provjerava i organ po službenoj dužnosti.

7.PRILIKOM OCJENE PROJEKATA UZIMAJU SE U OBZIR SLJEDEĆI KRITERIJI:

(Opći kriteriji)

- a) Značaj projekta za lokalnu zajednicu (kapacitet ustanove za realizaciju primarne zdravstvene zaštite);
- b) Da projekat doprinosi unapređenju primarne zdravstvene zaštite za građane sa područja općine Centar Sarajevo;

(Posebni kriteriji)

Prioritet imaju projekti koji:

- a) unapređuju dostupnost i kvalitet zdravstvenih usluga;
- b) uključuju inovativna rješenja;
- c) doprinose prevenciji bolesti i javnom zdravlju;

8.KRITERIJ I BODOVANJE

Ocjenjivanje projekata vrši komisija koja će biti imenovana u skladu sa Pravilnikom o kriterijima i načinu sufinansiranja/finansiranja projekata javnih ustanova primarne zdravstvene zaštite primjenom bodovne skale od 0 do 100.

1. Opći kriteriji- 40 bodova

Značaj projekta za lokalnu zajednicu (uključujući kapacitet ustanove za realizaciju primarne zdravstvene zaštite) 0-20 bodova

Doprinos unapređenju primarne zdravstvene zaštite za građane sa područja općine Centar -0-20 bodova

2.Posebni kriteriji -40 bodova

Kvalitet dostupnosti i inovacije -0-20 bodova

3.Spremnost i izvodljivost projekta – 20 bodova

- 0 -bodova nedovoljno pripremljen projekat
- 20 -bodova -potpuno spreman za realizaciju

Projekti koji ostvare manje od 60 bodova neće biti razmatrani za sufinansiranje / finansiranje.

9. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren 20 dana od dana njegovog objavljivanja.

Prijave/zahtjevi na propisanom obrascu sa kompletnom dokumentacijom podnose se na protokolu Općine Centar Sarajevo svakim radnim danom od 07.30 do 16.00 sati ili putem pošte na adresu Općina Centar Sarajevo, Služba za boračko-invalidsku i socijalnu zaštitu - Odsjek za socijalnu zaštitu, ulica Mis Irbina broj 1, u zatvorenoj koverti sa naznakom „Prijava za javni poziv za sufinansiranje/finansiranje projekata Javnih ustanova primarne zdravstvene zaštite sa sjedištem na području općine Centar Sarajevo (**NE OTVARATI**).

Nadležna Služba za boračko-invalidsku i socijalnu zaštitu će prijave na javni poziv proslijediti Komisiji za odabir i evaluaciju projekata.

Nepotpune i neblagovremene prijave neće se uzimati u razmatranje.

Komisija za provođenje javnog poziva će u roku od 10 dana od dana zatvaranja javnog poziva sačiniti preliminaru listu korisnika sredstava, koja će nakon što bude verifikovana od strane Općinskog načelnika biti objavljena na web stranici Općine Centar Sarajevo, uz mogućnost isticanja prigovora u roku od 5 dana od dana objavljivanja.

O prigovorima će rješavati Komisija za rješavanje prigovora po javnim pozivima koju će posebnim rješenjem imenovati Općinski načelnik, a koja će u roku od 8 dana od dana ulaganja prigovora odlučiti o istom.

Nakon isteka roka za prigovore odnosno donošenja odluke po prigovorima, Komisija za provođenje javnog poziva pristupa izradi prijedloga odluke o sufinansiranju/finansiranju projekata Javnih ustanova primarne zdravstvene zaštite.

Općinski načelnik nakon razmatranja dostavljenih prijedloga i mišljenja nadležne službe za finansije donosi konačnu Odluku o dodjeli budžetskih sredstava koja će biti objavljena na web stranici i oglasnoj ploči Općine Centar Sarajevo.

Nakon usvajanja Odluke, Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovornih strana.

Korisnici sredstava dužni su dostaviti Izvještaj o utrošku sredstava u roku koji će biti određen ugovorom, a koji je u skladu sa Odlukom o izvršavanju Budžeta Općine Centar Sarajevo za tekuću godinu.

Praćenje utroška sredstava vrši Služba za boračko-invalidsku i socijalnu zaštitu.

Osobe koje učestvuju u postupku dodjele sredstava bit će isključene iz postupaka dodjele ukoliko se utvrdi da su u sukobu interesa u odnosu na podnosiocima prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Dostavljeni lični podaci podnosioca prijave koristit će se isključivo za potrebe provođenja Javnog poziva, u skladu sa Zakonom o zaštiti ličnih podataka Bosne i Hercegovine.

Dodatne informacije se mogu dobiti na broj telefona: 033/562-353.

NAPOMENA: Korisnici koji ostvare pravo po ovom Javnom pozivu, dužni su dodijeljena budžetska sredstva pravdati na način koji će biti utvrđen Ugovorom o dodjeli sredstava.

Općinski načelnik

Srđan Mandić

